



Universitätsbibliothek Paderborn

**Refutatio Accusatoris Anonymi Damnatas ab Innocentio
XI. Propositiones adscribentis Ordinum Religiosorum
Theologis ac præcipuè Societatis Jesu**

Estrix, Aegidius

Moguntiæ, 1679

Propositio XXXI. Regulariter occidere possum furem pro conservatione
unius aurei.

urn:nbn:de:hbz:466:1-42472

justit. Tract. 2. c. 2. dub. 12. Joannes Sinnichus die 6. Februarii 1654. Andreas Laurent die 20. Januarii 1657. Jacobus Pontanus die 23. Augusti 1653. Plures dabo, si quis requirat.

PROPOSITIO XXXI.

Regulariter occidere possum furem pro conservatione unius aurei.

Propositionis autor citatur Molina tom. 4. de just. Tr. 3. d. 16. n. 7 simulque Escobar Tract. 1. exam. 7 c. 3. n. 44.

Falso uterque citatur. Non docuit Molina id licere pro conservatione unius aurei, sed ad arrendam injuriam realem conjunctam cum personali, casum ponens non de simplici furto, sed de rapina, qua moliatur quis RESIDENTI DOMINO auferre aureum. Tum vero ne quidem pronuntiat licere occidere, sed iudicium suspendit dicens: *condemnare non auderem*, qui interficeret cum moderamine inculpatæ tutelæ.

At verò ibidem casum ponens, quo abesset illa contumelia in personam, quando, inquit, *fur cum re aliqua aliena fugeret*, ut cum equo, *utrum tunc à longè fas esset illum jaculo interficere ad defensionem rci illius*; Covarruvias adversus Silvestrum id licere negat. Et quidem quando res non esset magni valoris; ut si esset solum va-

C 3 loris

loris trium, quatuor, aut quinque ducatorum consentit Sotus, & consentiunt alii. Quando venisset magni valoris, exiguaque esset spes illum postea recuperandi, affirmat Sotus fas in eo eventu esse illum interficere. Neque id auderem condemnare; modò prius voce admoneretur, nisi rem linquat, esse interficiendum. Semper tamen ei consulendum, ne proximus occidatur.

Videat lector circumspetionem Molinæ in hac tota materia, & miretur levitatem obtrectatorum, quos patitur hoc tempore.

Non plus quam Molina docuit Escobar loco citato: adeatur locus: plura enim describo jam pridem, quam vel mihi libeat, vel mereatur hic accusator: sed amicorum judicio dandum istud fuit; qui ipsi mihi ignoscant, si identidem non obsequar: ipsos mihi velim habere obsequentes tantundem in genere tam scabro atque inamoenio.

PROPOSITIO XXXII.

Non solum licitum est defendere defensione occisiva, quæ actu possidemus, sed etiam ad quæ jus inchoatum habemus, & quæ nos possessuros speramus.

Verbis expressis Propositionem hanc esse traditam ab Amico Tom. 5. d. 36. sect. 8. n. 131. affirmat accusator.

Non est ita. Amicus non expressit, licere defendere jus inchoatum defensione occisiva, quod exprimitur in propositione damnata: particulias illas studio videtur omisisse. Etenim